

سرحدری :
احمد شیرانی

۳ تموز

خبر الکلام

صاحب امتیاز و مدیرمسئول
حسین شعی

۲۲ شعبان المعظم

قل الحیر والافاسکت

دین روطه خدمت، عزیمت، طالع سید بنحسین کوندی نشر اولور اسلام انجیر

سؤال — جواب

سؤال :

زید . لطیفه اوله رق و بوش اولماز ظنیله
احساسندن برینه : رفیقہ مله ارمزده مفارقت
حاصل اولدی دیه مکتوب یازسه زوجہ سی بوش
اولور می و طلاق واقع اولور سه رجعمیدر؟ یوقسه
بایمی در ؟
طاہور امامی
م . عاصم

جواب :

طلاق خصوصده لطیفه ایله جدیتک فرق
یوقدر . طلاق وقوعی موجب بر سوز سوبله تنجه
استر لطیفه اوله رق سوبلشم اولسون . استر
جدی اوله رق سوبلشم بولنسون هر حالده
طلاق واقع اولور . بو خصوصده مکاتبه مکمله
کیدر . الفاظ طلاق ایکی قسمدر . بری الفاظ
صریحہ ، دیگرى الفاظ کنایه ددر . الفاظ
کنایه ده اوج قسمه آریلور .

مفارقت کله سی کنایه قسمندن در و کنایه نک
اوجنجه نوعندن معدوددر که حکم مخصوص
شوندن عبارتدر :

اگر بو سوزی طلاقدن بحث اولمادی
و زوجہ سنه حدتی بولمادی بر زمانده سوبله مش

ویا یازمش ایسه زوجہ سنک طلاقنی نیت ایتدکجه
بوش اولماز ، نیت ایدرسه بوش اولور و اگر
ارہ لرندہ طلاقدن بحث اولنیورکن سوبله مش و یا
یازمش ایسه نیتی اولماسه بیلہ طلاق وقوعبولور . و اگر
زوجہ سنه حدتی بولندی بر صیرده سوبله مش
ویا یازمش ایسه طلاقه نیتی وارسه بوش اولور .
یوقسه بوش اولماز . الفاظ کنایه دن بریلہ وقوعه
کان طلاق . طلاق باشددر . و بر در . زوجہ سی بر طلاق
باشله . طلاقه اولان کیمسه زوجہ سنک عدتی منقضی
اولمش بولماق و تکرار ازدواج ایچون رضاسنی
استحصال ایتمش اولمق شرط بریلہ حله شرعیہ
حاجت قالمیزین تجدید ازدواج ابدہ بیلور .
مسئله نک صوره فقہی سی بوجهله بیان اولنیور .
و حقیقه العلم عند عالمها .

استطراد

طلاق مسئله سی غایته نازک بر مسئله شرعیہ در .
شاقایله جدیسی مساوی اولان بر مسئله نک
اهمیتی اکلاقی ایچون فضلہ سوز سوبلکه حاجت
یوقدر . بناء علیه نه مکمله ، نه ده مکاتبه اشناسنده
اونی ایشه قارشدر برمه ملیدر .

احمد شیرانی